

Wie sich die Weiber/ für/ inn/ vnd
inen helffen sollen / Auch tragen sie den
Namen Hebamme / daß wie ein Amme
jr Kind hebet vnd treget / also hebe auch
ein Wehemutter das Kindlein erstlich
wenn es geboren wirt / vnd hilfft es von
Mutter leibe zur Welt bringen / in La-
teinischer sprach werden sie Obstetrices
genennet/ ab obsistendo, quod dolori par-
turientium debent obsistere, Daß sie den
wehen vnd schmerzen der geberenden
sollen wehren.

Zum Andern/ Sollen auch die Hebs-
ammen bey den geberenden Weibern
fleiß thun / vmb jres gewissens willen/
das/ wo es mit den Weibern nit möchte
wol zu gehen/daß inen jr hertz vnd gewis-
sen das zeugnuß geben kan / daß der fehl
an inen nicht gewesen. Wo aber die We-
hemütter schuld daran haben / daß es et-
wa dem Weibe vnrichtig gangen / oder
sonsten/ ꝛ. das wirt sie jr eigen gewissen
beschuldigen / vnd wirt sie jhr lebenslang
in